

Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 7. stav (2) tačka 2) Uredbe o jedinstvenoj metodologiji za procjenu šteta od prirodnih i drugih nesreća ("Službene novine Federacije BiH", broj 75/04, 38/06, 52/09, 56/09 i 36/14), na prijedlog Kantonalne uprave civilne zaštite Kantona Sarajevo, Vlada Kantona Sarajevo, na 81. sjednici održanoj 02.06.2022. godine, donijela je

RJEŠENJE
O IMENOVANJU KANTONALNE KOMISIJE ZA
PROCJENU ŠTETA OD PRIRODNIH I DRUGIH
NESREĆA

I

U Kantonalnu komisiju za procjenu šteta od prirodnih i drugih nesreća (u daljnjem tekstu: Komisija) imenuju se:

1. Vesna Ilić, dipl. ing. građ. - predsjednica;
 2. Sanel Gazija, dipl. ecc. - član;
 3. Nedžad Mekić, dipl. ing. građ. - član;
 4. Satko Filipović, dipl. ing. građ. - član;
 5. Lejla Vranešić Bašić, dipl. ecc. - članica.
- Za sekretara Komisije imenuje se Dževad Ćorović.

II

Zadaci Komisije su da:

- prati, objedinjava, usmjerava i vrši nadzor nad radom općinskih komisija na području Kantona Sarajevo, te pruža stručnu pomoć u pravilnom primjenjivanju Uredbe o jedinstvenoj metodologiji za procjenu šteta od prirodnih i drugih nesreća ("Službene novine Federacije BiH", broj 75/04, 38/06, 52/09, 56/09 i 36/14);
- vrši provjeru realnosti procjene šteta koju utvrde općinske komisije uvidom u dokumentaciju i stvarno stanje nastale štete;
- izrađuje zbirni izvještaj o procjeni šteta na području Kantona Sarajevo, koje su utvrđene od strane općinskih komisija na području Kantona Sarajevo i isti u roku od 15 dana od dana dobijenih izvještaja dostavlja Vladi Kantona Sarajevo na razmatranje i usvajanje a Federalnom zavodu za statistiku i Federalnoj komisiji za procjene šteta u roku od 15 dana od dana usvajanja;
- predlaže Vladi Kantona Sarajevo visinu sredstava koja bi trebalo obezbijediti za otklanjanje šteta nastalih na području Kantona Sarajevo.

III

Komisija se sastoji od predsjednika Komisije i četiri člana, te sekretara Komisije.

U sastav Komisije mogu se, ako se ocijeni da za tim ima potrebe, imenovati i druga stručna lica iz odgovarajućih oblasti, sa svim pravima i obavezama kao i članovi Komisije.

Imenovanje tih lica vrši Vlada Kantona Sarajevo na prijedlog Komisije.

IV

Komisija se imenuje na period od četiri (4) godine.

V

Kantonalna uprava civilne zaštite Kantona Sarajevo obezbjeđuje potrebne uslove za nesmetan rad Komisije (prevozna sredstva, opremu, karte sa utvrđenim statističkim krugovima, mjerne alate, fotoaparati, kameru i sl. propisane obrasce, prostor, kancelarija) gdje će Komisija obavljati poslove iz svoje nadležnosti i vršiti stručne, administrativne i druge poslove potrebne za rad Komisije, organizovati radne sastanke Komisije radi obučavanja i osposobljavanja članova Komisije za utvrđivanje procjene štete i popunjavanje obrazaca predviđenih za utvrđivanje štete i vršiti sve druge poslove potrebne za uspješan rad Komisije.

VI

Predsjedniku, članovima i sekretaru Komisije pripada naknada za rad u Komisiji, čiju visinu posebnim aktom utvrđuje Vlada Kantona Sarajevo u skladu sa Odlukom o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća ("Službene novine Federacije BiH", broj 4/12, 80/13 i 20/20).

VII

Ovo rješenje stupa na snagu danom donošenja, a objavit će se u "Službenim novinama Kantona Sarajevo".

Broj 02-04-22299-33.2/22

02. juna 2022. godine
Sarajevo

Premijer
Edin Forto, s. r.